

Declaracioun universalo di dre de l'ome

Article 1.

Tóuti lis uman naisson libre. Soun egau pèrla digneta e li dre. An tóuti uno resoun e uno counsciènci. Se dèvon tenifreirenau lis un 'mé lis autre.

Article 2.

Tout èsse uman a tóuti li liberta e tóuti lidre prouclama dins acesto declaracioun, sènso ges li destria pèr de raço, decoulour, de sèisse, de lengo, de religioun, d'idèio poulitico o d'autro meno,d'óurigino naciounalo o soucialo, de richesso, de neissènço o d'àutricoundicioun.

En mai, se fara ges de destriamen foundasubre l'estatut pouliti, amenistratiéu o internaciounau dóu païs o de l'endréde la persouno, fugue aquel endré independènt o sa soubeiraneta countourrouladoo limitado d'un biais o d'un autre.

Article 3.

Cado persouno a dre à la vido, à la liberta,e à la segureta.

Article 4.

Degun sara soumés à l'esclavitud o à laservitudo. Es enebi en plen de teni d'esclau o de n'en faire coumèrci.

Article 5.

Degun sara soumés à la tourturo nimai à depeno o de tratamen crudèu, inuman o desgradant.

Article 6.

Cadun a dre à la recouneissènço de sapersounalita juridico de pertout.

Article 7.

Tóuti li gènt soun egau davans la lèi.Memamen an tóuti dre d'estre apara pèr la lèi sènso ges de destriamen. An tòutidre d'estre apara parié contro tout ço que vióularié acesto declaracioun o quebutarié à la vióula.

Article 8.

Touto persouno a lou dre de s'apela proche litribunau naciounau coumpetènt. Aquéli ié dèvon l'eficàci e la dèvon defèndrecontro lis ate que violon li dre foundamentau recouneigu pèr la lèi e lacoustitucioun.

Article 9.

Degun sara arresta, embarra vo eisila pèr arbitràri.

Article 10.

Tóuti li persouno an lou meme dre de pleideja publicamen sa defènso davans un tribunau que lis escoutara em'un esperit d'independènci e de justiço, que se prounounciara pièi siegue toucant si dre esis óubligacioun, siegue toucant la foundamento de touto acusacioun contro eloen matèri penalò.

Article 11.

1. Touto persouno accusado d'un ate fautible es regardado coume innoucènto jusco que fugue legalamen estabrido sa coupableta pèr un proucès publi. Dins aquéu proucès, tóuti li garantido necito à sa defènso ié saran estado pourgido.
2. Res sara coundana pèr d'ate o d'oublit qu'èron pas counsidera fautible segound lou dre naciounau o internaciounau quouro fuguèron fa. Mai qu'acò, se pòu pas coundana li gènt en de peno mai forto d'aquéli que se poudien aplica quouro l'ate fautible fuguè coumés.

Article 12.

Se pòu pas sènsò resoun valabòlo bouta lou nasdins la vido privado, la famiho, l'oustau o lou courrié di gènt. Se pòu nimaiataca soun ounour e sa reputacioun. Touto persouno a lou dre d'estre aparadopèr la lèi contro aquéli malafacho.

Article 13.

1. Cadun a lou dre d'ana d'ounte vòu, de planta caviho d'ounte vòu dedins li raro d'un Estat.
2. Cadun a lou dre de quita un païs e lou siéu tambèn. Cadun a lou dre de s'entourna au païs siéu.

Article 14.

1. Quouro secutado, touto persouno a lou dre de cerca un recate dins d'autri païs e de lou prouficha.
2. Pòu pas s'apela d'aqueste dre uno persouno perseguido de-bon pèr un crime de dre comun o d'ate countràri i principe emai i toco di Nacioun Unido.

Article 15.

1. Cadun a dre à uno naciounalita.
2. Se pòu leva en res pèr arbitràri sa naciounalita o lou dre de la chanja.

Article 16.

1. L'ome e la femo, s'un cop soun maridadou, an lou dre de se marida e de founda uno famiho, sènsò ges d'empache pèr encauso de raço, de naciounalita o de religioun. Li dre dis ome e di femo soun parié rapport au mariage, que siegue dòu tèms que soun marida o quouro se divorçon.

2. Lou mariage se pòu faire soulamen se li nòvi se volon de-bon.
3. La famiho es la foundamento naturalo de la soucieta. A dre d'estre aparado pèr la soucieta e l'Estat.

Article 17.

1. Tout perso, souleto o coutrò 'mé d'autri gènt, a dre à la prouprieta.
2. Degun sara despoussedi de soun bèn pèr arbitràri.

Article 18.

Tout perso es libro de sa pensado, de sacounsciènci e de sa religiou. En aquéu dre ié caup la liberta de cambia dereliugioun o de crèire, e tambèn de manifesta sa religiou o si crèire, soulet o'mé d'autri gènt, dins la vido publico o privado, pèr l'ensignamen, lis usage, lou culte emai l'acoumplissamen di rite.

Article 19.

Tout perso a dre à la liberta d'óupinioune d'espressioun. En aquéu dre ié caup de rèn se capita carcagna pèr encauso deço que pensas, e tambèn de cerca, reçauvre e espandi lis enfournacioun e lisidèio, coume que siegue lou mejan d'espressioun, sènsa empache à respèt difrountiero.

Article 20.

1. Tóuti li gènt an lou dre de s'acampa e de s'assoucia dins un esperit de pas.
2. Degun pòu èstre óublia de faire partido d'un groupamen.

Article 21.

1. Tout perso a lou dre de partecipa au governamen de soun païs, siegue direitamen siegue depèr de representant chausi libramen.
2. Tout perso a lou dre d'óuteni de founcioun publico de soun païs dins de coundicioun d'egalita.
3. La voulonta dóu pople es la foundamento de l'autourita di poudé publi. Aquesto voulonta se dèu espremi depèr d'eleicioun ounèsto que saran estigançado à cadènço reglado, au sufrage universau emé bulletin secret, o d'un biais equivalènt que posque assegura la liberta dóu vote.

Article 22.

Tout perso, en fasènt partido de lasoucieta, a dre d'uno prouteicioun soucialo e de coumpli si dre ecounoumi, soucian e culturau ; e acò bonadi lis esperfors naciounau e l'entre-ajudointernaciounalo, segound l'organisacioun e li mejan de chasque païs, que ladigneta e lou desvouloupa libre de la persounalita podon pas faire sènso.

Article 23.

1. Cadun a lou dre de travaia, de chausi libre soun mestié, dins de coundicioun equitabilo d'obro e de prouteicioun contro lou chaumage.

2. Tóuti an dre en uno memo pago pèr uno memo obro, sènso ges de destriamen.
3. Un que travaio a dre en uno pago justo e covenènto, que sara completado se ié fai besoun pèr tóuti lis àutri mejan de prouteicioun soucialo. Dins tout acò, dèu pousqué viéure de-segur dignamen emé sa famiho.
4. Touto persouno a lou dre de founda emé d'autro de sendicat e d'estre sòci d'un sendicat pèr defèndre sis interès.

Article 24.

Cadun a dre de se pausa e de s'espaça. A dreà uno tanco resounablo de la journado de travai, à de conget regulié e paga.

Article 25.

1. Tóuti an dre à un nivèu de vido que i'assegure la santa e lou bén-être emai à sa famiho, mai que mai pèr lou manja, lou vèsti, l'oustau, li siuen de santa e pèr tóuti li service souciau necite. Pèr escasènço que un posque pas mai se gagna sa vido sènso l'avé vougu, pèr eisèmple se vèn vièi, malaut, endeca o chaumaire, a dre à la segureta.
2. Li femo embarrassado, li maire e li pichot an dre à uno ajudo particuliero. Siegon pas si gent marida, e lou fuguèsson pas quouro lou nistoun es nascu, tóuti li pichot proufichon pamens la memo prouteicioun soucialo.

Article 26.

1. Touto persouno a lou dre d'estre educado. L'educacioun dèu èstre à-gràtis, lou plus pau pèr ço que pretoco l'ensignamen elementàri e foundamentau. L'ensignamen elementàri es óubligatori. L'ensignamen di teinico e di mestié dèu èstre d'atencho pèr tóuti. Lis estudi superior dèvont èstre dubert à tóuti parié à respèt de si merite.
2. La toco de l'educacioun es que la persounalita di gent s'espeligue, e que lou respèt degu i dre de l'ome e i liberta foundamental s'afourtigue. Dèu favourisa la coumprenènço, la touleranço e l'amista entre tóuti li nacioun, li group etni vo religious, emai lou crèis dis ativeta di Nacioun-Unido. pèr manteni la pas.
3. Lou paire emai la maire an lou dre de chausi, bèu proumié, lou biais d'educacioun que volon pèr si pichot.

Article 27.

1. Touto persouno a lou dre de partecipa libramen à la vido culturalo de la comunauta, au prougrès scientifi e i bén-fa qu'aduson.
2. Tout lou mounde a lou dre de prouficha lou plesi congreia pèr lis art. L'autour d'uno obro scientifico, literàri o artistico a dre à l'aparamen de sis interès mourau e financié.

Article 28.

Touto persouno a lou dre de viéure dins unmitan souciau e internaciounau proun ourdouna, que li dre esplica dins aquestodeclaracioun d'aqui se ié poscon aplica en plen.

Article 29.

1. Touto persouno a de devé à respèt de la coumunauta, qu'es en soun dintre soulet que lou desvououpamen libre e coumplet de sa persounalita i'es poussible.
2. Se pòu restanca li dre e li liberta de chascun soulamen dóu biais que la lèi l'a vougu pèr fin d'assegura la recouneissènço dis autre, lou respèt de si dre e liberta ; e tambèn pèr fin de respecta lis eisigènci justo de la mouralo, de la tranquileta di gènt, e dóu bène èstre generau dins uno soucieta demoucratico.
3. Aquésti dre e liberta poudran jamai e de ges de biais èstre emplega pèr faire de causo countràri i principe di Nacioun-Unido.

Article 30.

Res, ni Estat ni groupamen nimai unopersouno, poudra assaja de tira d'aquesto declaracioun lou dre de fairequauclarèn pèr escracha li dre e li liberta que ié soun esplica.